

# Pablo lelpox carta Colosas paklowaxpijiwliajwa

---

## Pablo lelpox carta Colosas paklowaxpijiwliajwa

**1** Xan Pablo, Jesucristo pej-apóstol nadofax, Dios nama-kafit xot. Wajkoewan Timoteo nakajachawaet ampox carta lelaliajwan. **2** Lelx ampox carta xamal Colosas paklowaxpijiwliajwa, Jesucristo pejwɔajan naexasitampim. Xan waj-ax Dios kawɔajna xamal kajachawaesliajwa puexa chiekal isliajwam. Japon kawɔajna xamal kajachawaesliajwa chiekal duilaliajwam, asew jiw sɔapich.

## Pablo kawɔajanpox Dios, Colosas paklowaxpijiwliajwa, Jesús pejwɔajan naexasitiliajwa

**3** Xanal xamalliajwa Dios kawɔajna xamal, japon wajpaklon Jesucristo pax. Kawɔajna wɔt, xanal gracias-an Diosliajwa, xamal chiekal kajachawaet xoton. **4** Jasoxtat xanal Dios kawɔajna xamal, wɔtaen xot xamal chiekal naexasitampox Jesucristo pejwɔajan. Wɔtaen xbej puexa jiw nejxasinkampox, Dios pejiwpi. **5** Xamal naexasitam wɔt chimiawɔajan, Jesús pejwɔajan, Dios xamal bu'weliajwa, jawɔt chiekal matabijam Dios athɔxotse xawɔajna wɔt xabich pachaempox xamalliajwa. Samata, xamal Jesús xanaboejam. Nejxasinkambej Dios pejiw. **6** Jesús pejwɔajan xamal naewɔajan wɔti, jɔmtaenam. Amwɔtjel, japawɔajan potɔajna xamal jiw jɔmtaena wɔti, japibej naexasit japawɔajan. Samata, japi kofa majt babijaxan isfɔlpxan. Amwɔtjel ispi pachaempoxan. Me-ama xamal, ja-aechbej japi jiw. Jɔmtaenam wɔt Jesús pejwɔajan, xamal najut chiekal matabijam, diachwɔajna xamal Dios xamal nejxasinkampox. **7** Epafras, xatis nejxasinkaspon, japon xamal matxoela naewɔajan Jesús pejwɔajan. Japonbej, xanal sɔapich, nabist

Cristoliajwa. Japonbej xamal naewuajan, xanal tajut fulaeyaxinil xot xamal poxade. **8** Pa'an wuton xanalxot, xapa'non nejwuajan. Jawut xanal nachapaeipon nejxasinkampox asew jiw, naexasiti Jesús pejwuajan, Espiritu Santo xamal kajachawaet xot.

**9** Xanal japox wultaenx wut, buxkofa-enil Dios kawuajnapox xamalliajwa. Dios kawuajnapox chiekal matabijaliajwam isliajwambej Dios nejxasinkpoxan. Dios kawuajnapoxbej chiekal matabijaliajwam Dios pejmatabijsaxan Espiritu Santo pijaxtat. **10** Japox chiekal matabijam wut, chiekal duilaxaelam. Me-ama japon pejwuajan naexasiti chiekal duil, xamal jachiyaxaelam. Samata, Dios nejchachaemlaxael xamalliajwa. Xamal isaxaelam puexa pachaempoxan. Isam wut japoxan, xamal kaes chiekal matabijaxaelam Dios. **11** Xanal Dios kawuajnapox xamal kaja-chawaesliajwapon, kaes chiekal xanaboejaliajwam Dios. Ja-am wut, xabich boejtaliasaxaelam, asew jiw pijaxtat nabijatam wut. **12** Dios xamal beltaen. Samata, Diosliajwa, xamal babijaxan isampoxan ajil. Ja-aech wut, xamal Dios tapaeyaxael pomatkoicha athuxotaliajwam, Dios pej-itliakaxxotse. Samata, xanal nejxasinkax xamal waj-ax Dios graciaschiliajwam, Dios kawuajnam wut. **13** Xatis majt matabija-esal chimiawuajan, Jesús pejwuajan. Samata, me-ama itkuataxot duils wut, jatisfulas, naexasisfulas xot Satanás. Amwutjel naexasisfulas Dios paxulan pejwuajan, Dios nejxasinkaspon. **14** Dios paxulan tup wut, japon nakwemot xatis babijaxan isasopoxanliajwa. Samata, Dios nakbeltaen.

### **Pachaempox Diosliajwa Jesús pejwuajan naexasiti, Cristo tup xot japiajwa**

**15** Xatis wajut Dios taeyaxisal. Pe nakiowa, Cristo pijaxtat chiekal matabijas, ma-aech Dios. Cristo kaes pejme pachaem. Me-ama puexa Dios ispi, jachi-elon. **16** Cristo puexa is Dios pijaxtat, athuxotse, ampathatatbej. Xabich japoxan xatis taens. Pe asaxan wajut taeyaxisal, tampoel xoti xatis taeliajwas. Cristo puexa is wut, isbejpon ángeles. Japi mamnik xot, xajup tato'laliajwa. Puexa japoxan Cristo is pajutliajwa. **17** Chajiakolaxtat, puexa is-esal wutfuk, Cristo jawut duk. Amwutjel puexa ispoxan nakiowa ja-aechfulfuk japon pijaxtat. **18** Cristobej puexa jiw tato'al, naexasiti japon pejwuajan. Japon tup xot jiwliajwa, Dios beltaen japi jiw babijaxan ispoxanliajwa, japon pejiwaliajwabejpon. Cristo matxoela mat-ech pejme dukaliajwa,

tup wuton. Samata, Jesucristo pejwujajan naexasitibej asamatkoi mat-eyaxaes pejme duilaliajwa. Cristo puexa japiliajwa paklon. **19** Dios nejchachaemil Cristoliajwa, me-ama Dios, ja-aech xoton. **20** Chajiakolaxtat, Dios chajia nejchaxoel Cristo tupaliajwa cruztat puexa jiwliajwa, xabich jiw bu'wujajanjilaliajwa Dios pejwujajnael. Samata, Cristo tup wut, puexa naexasiti japon pejwujajan, ampathatpijiw, athupijiwbej, amwutjel puexa chiekal pachaemlisi Diosliajwa.

**21** Xamal majt naexasis-emil wutfuk Cristo pejwujajan, pachaema-emil Diosliajwa. Dios padaelmajiwambej, isam xot babijaxan. **22** Cristo xabich nabijat, xamal babijaxan isampoxanliajwa tup wuton cruztat. Samata, xamal pachae-mam Diosliajwa. Amwutjel isfulam japon nejxasinkpoxan, bu'wujajanjimil xot. **23** Xamal chiekal naexasisfulde Jesucristo pejwujajan! Japon pejwujajan xabich asew jiwbej naewujajnaful potujajnucha. Xan, Pablo, naewujajnafulaxbej japawujajan.

### **Pablo Dios to'aspox, japon naewujajnalijwa Jesús pejwujajan naexasiti**

**24** Xan amwutjel jiw jebatat nabijatax, majt xamal, judíos-emilpim, naewujajna xot Jesús pejwujajan. Me-ama majt Cristo nabijat cruztat jiw bu'welialjwa, xanbej amwutjel nabijatax, jiw jebatat najia xoti. Samata, nejchachaemlax. Nawewe'pfuk xabich kaes nabijasliajwan, naewujajna xot Jesucristo pejwujajan naexasiti. Japi, Cristo pejbu't wut, ja-aech. **25** Dios nato'a xamal kajachawaesliajwan, asew jiwbej, naexasiti Jesús pejwujajan. Samata, xamal, asew jiwbej, jumchiyaxaelen puexa Dios pejjamechan jum-aechpoxan Cristoliajwa. **26** Japawujajan majt chinax kaen aton matabijs-elfuk. Japawujajanliajwa Dios tulaela jumchi-el. Amwutjel tapaeipon puexa pejiw chiekal matabijaliajwa japawujajan. **27** Japawujajan xabich pachaem puexa jiwliajwa. Jesús, xamalxot dukpon, japon pejwujajan majt maliach. Pe amwutjel, puexa xamal chiekal matabijam. Samata, asamatkoi duilaxaelam Diosxotse.

**28** Samata, xanal naewujajna xot Cristo pejwujajan puexa jiw chiekal jummatajibijaliajwa. Ja-an xanal, japibej chiekal pachae-maliajwa, Dios nejchachaemlaliajwa japiliajwa. **29** Samata, ampabichax chiekal nabistax wut, Cristo nakajachawaet xot, mamnikax naewujajnalijwan japon pejwujajan.

**2** Xan nejxasinkax xamal matabijaliajwam Dios xabich kawuajna xprox xamalliajwa. Dios kawuajna xbej Laodicea paklowaxpijiwliajwa, a sew jiwliajwabej, japi jiw xan namatabija-el pifuk. **2** Dios xabich kawuajna xamal nejlewla-samata, jiw naewuajnam wut japi chiekal xanaboejaliajwa Dios. Xan xabich Dios kawuajna xbej xamal kaenejchaxoelaxliajwam chiekal duilaliajwam, nakaewa nanejxasinkam xot. Dios xabich kawuajna xbej xamal chiekal jum matabijaliajwam Cristoliajwa, majt puexa jiw chiekal matabija-el poxfuk. Samata, amwut chiekal matabijaxaelam Cristoliajwa. Dios majt tapae-el ampathatpijiw matabijaliajwa Cristoliajwa. **3** Xamal naexasitam wut Jesucristo pejuwan, ja-am wut, chiekal matabijaxaelam Dios pejmatabijsax, xabich pachaempox. **4** Japox jum-an a sew jiw xamal naekichachajbasamata. Japi jiw jum-aech chimiajamechan xamal naekichachajbaliajwa. **5** Diachwuajnakolax amwutjel xan tajut xamalxota-enil. Pe nejchaxoelx wut, me-ama tajut xamalxotx wut, ja-an. Samata, wultaenx wut xamal kaenejchaxoelaxtat duilampox, Cristo chiekal xanaboejam poxbej, xan xabich nejchachaemlax.

### **Jesús pejuwan naexasiti, japi pajelnejchaxoelaxan**

**6** Xamal jelnaexasitam wut Jesús pejuwan, “Jesús tajpaklon” —am xamal. Samata, jamwutjel diachwuajnakolax chiekal duilafulde! Me-ama jiw, naexasiti Jesús pejuwan, duil wut, jjaamsfulde xamal! **7** Xamal nejpaklon Jesucristo. Samata, jisfulde puexa japon tato'alpoxan! ¡A sew jiw xamal majt naewuajan pox Cristoliajwa, japox chiekal naexasisfulde! Ja-am wut, kaes xanaboejaxaelam Cristo. Pomatkoicha Dios kawuajnam wut, graciaschiyaxaelam Diosliajwa.

**8** ¡Chiekal taem! ¡Xamal nabej tapae' a sew jiw xamal naekichachajbaliajwa, pajut pejnechaxoelaxan naewuajanpi! ¡Xamal japi jiw nabej naexasis, asawuajan naewuajan wuti, Cristo naewuajna-el pox wut! Japi jiw a sew jiw chanaekabuana pamjiw chanaekabuanas poxan. Chapaefulbejpi jiw nejchaxoel poxan, ampathatpijixanliajwa.

**9** Cristo ampathatat wut, me-ama pax Dios, ja-aechon. Samata, ¡nabej tapae' a sew jiw xamal naekichachajbaliajwa, asawuajan naewuajan wuti! **10** Xamal Cristo pejiwam xot, wewe'pa-el asax. Cristo paklon puexaliajwa. Japon puexa,

nejmachpaklochow, tato'al. **11** Xamal Jesús pejwúajan naexasitam xot, me-ama judíos circuncidaspi, ja-am Diosliajwa. Samata, kaes nejchaxoela-emil isliajwam pachaema-elpoxan, Jesús xamal kajachawaet xot. **12** Xamal jiw bautisa wút, jawút, xamal, Jesús suapich, müthtaspi wút, ja-am. Jesús túp wút, Dios mat-echpon pejme dukaliajwa. Samata, xamal bautisa wúti, jawútbej, xamal, Jesús suapich, Dios mat-echpi wút, ja-am pejme chiekal duilaliajwam, Dios chiekal xanaboejam xot. **13** Xamal, judíos-emilpim, majt túpawam wút, ja-am Diosliajwa, xabich babijaxan isfulam xot. Amwútjel, jachi-emil. Xamal amwútjel pajelnejchaxoelaxan, Dios beltaen xot babijaxan isampoxanliajwa, naexasitam xot Jesús pejwúajan. **14** Majt xatis naexasis-esal xot Dios tato'alpoxan, xatis wajbú'wúajan Diosliajwa. Pe Dios nakbeltaen xatis babijaxan isaspoxanliajwa. Cristo túp wút cruztat, nakwemot xatis babijaxan isaspoxanliajwa. Ja-aech wút, Dios tato'alpoxan, me-ama toep wút, ja-aechox, japon nakkastikaxaelpox xatis babijaxan isaspoxanliajwa. **15** Cristo túp wút cruztat, Dios malecha Satanás, Satanás pejjiwbej, japi deppaklochowpi. Dios japox is wút, puexa jiw matabija Satanás malechaspox, japon pejjiwbej.

### **Jesús pejwúajan naexasiti chiekal nejchaxoelaxaelpox isliajwa Dios nejxasinkpoxan**

**16** Xamal amwútjel Cristo pejjiwam xot, jasew judíos nabej tapae' kaechafiasliajwa xamal xaelampoxan, feyaxaelampoxanbej! Japi judíos naexasit Moisés chajia lelpox. Samata, japi kaewaechful wút, fiesta is. Isbejpi fiesta, kaejuimsful wút. Fiesta isbejpi, napatamatkoisful wút. Japi judíos xamal to'a wút fulaeliajwam japafiestan poxade, xamal nabej fulae"! **17** Majt jiw xabich fulalaecha fiestan poxade, Moisés chajia lelpox naexasit xoti. Japafiestan ispi jiw nejchaxoelaliajwa asamatkoi Cristo isaxaelpoxliajwa. Pelis Cristo pat. Japon pejwúajan xamal naexasitam xot, jamwútjel xamal wewe'pa-el japafiestan poxade fulaeliajwam! **18** Asew jiw xamal jum-aech wút: “Xanal ángeles kawúajna. Xamal kawúajna-emil wút ángeles, babijax isam” —aech wúti, japi jiw xamal nabej naexasis! Jum-aech wútbejpi: “Xanal matabijax, masoxtat taenx xot asew jiw tae-elpoxan” —aech wúti, xamal japi jiwbej nabej naexasis! Japi japoxan jum-aech wút, pejnechaxoelaxan

pachaema-el, pajut nejchaxoelpoxan jum-aech xoti. **19** Japi kofa naexasitpox Jesús pejuwajan. Puexa xatis Jesús pejuwajan naexasichpis, Cristo naktato'al. Xatis, me-ama Cristo pejubu't wut, jatis, kaonejchaxoelax xotch, Cristo suapich. Samata, Cristo nakajachawaet chiekal duilaliajwas, me-ama Dios nejxasink.

**20** Xamal, me-ama, Cristo suapich, cruztat tupam wut, ja-am. Samata, inabej naexasis ampathatpijiw jum-aechpoxan! Xamal ja-am wut, zma-aech xotkat xamal nakiowa naexasiasiam Jesús pejuwajan naexasis-eli jum-aechpoxan? **21** Japi jum-aech, xamal fiat wuti: “¡Ampox nabej jache! ¡Ampoxbej nabej xae! ¡Ampoxbej nabej fis!” —aechi, xamal fiat wut. **22** Japi jum-aechpoxan xamal fiat wut, japoxan asamatkoi chiekal toepaxael, pajut nejchaxoelpoxankal xot. **23** Japi xabich asew jiw tato'al kawujnaliajwa ángeles. Japibej tato'al jiw pajut nejchaxoelaliajwa: “Xan kaes pejme pachaema-enil. Me-ama asew jiw, jachi-enil” —chiliajwa, jiw nejchaxoel wut. Japi jiw naewwajanbej jiw babijaxan isasamata. Japi jiw jasox naewwajan wut, me-ama xabich matabija wut, ja-aechi. Pe japi naewwajanpoxan pachaema-el, asew jiw kajachawaes-esal xot kofaliajwa babijaxan nejchaxoelpoxan is-elaliajwa.

**3** Cristo tup wut cruztat, mat-ech wuton pejme dukaliajwa, jawutbej, xamal, me-ama Dios mat-ia wut, ja-am pejme duilaliajwam, Cristo suapich. Samata, xamal nejchaxoelam wut, inejchaxoelde pomatkoicha duilaxaelampox Cristo ekxotse, Dios pejpoklalel! **2** ¡Xamal nejchaxoeldebej isliajwam Dios nejxasinkpoxan! ¡Nabej nejchaxoele' babijaxan isliajwam, me-ama ampathatpijiw isful! **3** Ampathatat laelpam wut, ¡chiekal duilafulde! Me-ama Cristo Diosliajwa chiekal duk wut, ¡ja-amsfuldebej xamal! Samata, xamal, me-ama majt duilam wut, inabej ja-aechi! Cristo chiekal duk pax Diosxotse. Amwutjel xamal tataefulpon. **4** Chiekal duilaxaelam tanbichliajwam Cristo. Asamatkoi Cristo pejme fuloek wut, puexa jiw taeyaxaeson, japon xabich mamnikpox. Xatisbej asew jiw naktaeyaxael, Cristoxotas wut.

### **Colosas paklowaxpijiw ma-aechpox, majt duil wuti Jesús pejuwajan naexasis-elaxtat**

**5** ¡Kofim babijaxan isfulampoxan! Aton tup wut, kaes babijaxan is-elon, tup xotlison. ¡Xamalbej ja-amsfulde!

¡Nejwatho' nabej naebumoejs asew watho'! ¡Nabej isbej asaxan, pachaema-elpoxan! ¡Nabej nejxasinke'bej babijaxan isaxan! ¡Nabej nejxasinke'bej nejew xabichaliajwa! Xabich wut nejew, ja-am wut, Dios nejxasinkaximil, japoxan kaes xabich nejxasinkaxaelam xot. **6** ¡Xamal jasox nabej ja-aeche', Dios xabich kastikaxael xot jasi jiw! **7** Xamal majt japoxan babijaxan isfulam, naexasis-emil wutfuk Dios. **8** Pe amwutjel, xamal kofim xabich nalalapoxan asew jiwliajwa, babijaxan isampoxanbej asew jiwliajwa! ¡Buxkofimbej babejjamechan jum-ampoxan asew jiwliajwa! ¡Nabej jum-aeche'bej jiwututat pachaema-elpoxan! **9** ¡Kofimbej nakaewa naekichachajbampoxan, kofam xot padujnejchaxoelaxan, majt isampoxanbej! **10** Amwutjel kofam padujnejchaxoelaxan, naexasitam xot Dios. Samata, ¡duilafulde, me-ama Dios nejxasink! Ja-am wut, chiekal xamal matabijaxaelam Dios. **11** Jesús pejwujajan naexasiti pajelnejchaxoelaxan. Samata, Dios puexa japi taen wut, japi jiw puexa chiekal najupanejxasinkpon. Judíos, judíos-elpibej, atuj fulaenpi, asatujnuchanpijiwbej, jiw estudia-elpibej, esclavos, esclavos-elpibej, japi puexa naexasiti Jesús pejwujajan, Dios chiekal najupanejxasink puexa japi jiw.

**12** Dios xamal nejxasink. Makanotbejpon xamal japon pejiwaliajwam. Samata, ¡asew jiw beltaem! ¡Kajachawae'ebey! Nejchaxoelam wut, ¡nejchaxoelde: “Xan kaes pejme pachaema-enil. Me-ama asew jiw, jachi-enil” —amde, nejchaxoelam wut! Asew jiw tato'lam wut, ¡nabej tato'le' palaeyaxtat! Asew jiw is wut pachaema-elpoxan xamalliajwa, ¡xamal boejtaliasfulde japoxanliajwa! **13** Asew jiw xamalxot nakaewaliajwa is wut pachaema-elpoxan, ¡xamal nabej nalale'! ¡Boejtaliasfulde! ¡Nakaewa nabeltaembej! Me-ama Dios xamal beltaen babijaxan isam wut, ¡xamalbej ja-amsfulde nakaewaliajwa! **14** Jumchiyaxaelen kaes pejme pachaempox. Japox nakaewa nanejxasinkampox. Ja-am wut, chiekal duilaxaelam kaenejchaxoelaxtat. **15** Cristo xamal kajachawaet xot, ¡xamal chiekal kaenejchaxoelaxde! Dios xamal tadut kaemutliajwam, Cristo suapich. Samata, Dios kawujajnam wut, ¡gracias-amde!

**16** Xan Dios kawujajnam xamal kajachawaesliajwa pomatkoicha nejchaxoelaliajwam Jesús pejwujajan. ¡Dios pejjamechan xamal nakaewa nanaewujajande kaes pejme chiekal Dios

xanaboejalijawam! Jajuwam wut salmos, himnosbej, ¡xabich gracias-amde Dioslijaw! 17 ¡Puexa isaxaelampoxan isde, wajpaklon Jesús pijaxtat! ¡Puexa jumchiyaxaelampoxanbej jum-amde, wajpaklon Jesús pijaxtat! Ja-am wut, ¡gracias-amde waj-ax Dios Jesús pijaxtat!

### Jesús pejwujajan naexasiti machiyaxaelpox pejbapijiwlijaw

18 Xamal watho'am, ¡nejmol chiekal naexasisfulde, to'a wut! ¡Ja-amsfulde, xamal Jesús pejwujajan naexasitam xot! 19 Xamal poejwam, ¡kaenanula nejwatho' chiekal nejxasinkafulde! Nijow to'am wut, ¡to'im chamoeyaxtat! Me-ama esclavas wut, ¡nabej ja-aeché' nejwatho'lijaw!

20 Xamal yamxim, ¡pomatkoicha chiekal naexasisfulde nej-axjiw, nej-enjiwbej, xamal to'a wut! Ja-am wut, Dios nejchachaemlaxael xamal yamximlijaw. 21 Xamal paxjiwam, ¡naxi chamoeyaxtat tato'alde naxi palalasangata, nejchamilasangata-bejpi!

22 Xamal esclavos, ¡isfulde nejpaklochow puexa tato'alpoxan! ¡Chiekal nabichfulde japijijaw! Asew jiw nejpaklochow chiekal tataefla-esal wut, chiekal nabich-eli. Pelax nejpaklochow tataefulas wut, ja-aech wut, japi jiw, me-ama chiekal nabist wut, ja-aechi nejpaklochow nejchachaemlaliaw japijijaw. ¡Xamal jasox nabej ja-aeché'! Pomatkoicha chiekal nabichaxaelam nejpaklochowlijaw, xamal sitaenam xot wajpaklon Jesús. 23 Xamal nabistam wut nejpaklochowlijaw, puexa chiekal isaxaelam nejchachaemlampoxtat. Me-ama wajpaklon Jesúslijaw nabistam wut, jachiyaxaelam, nejpaklochowlijaw nabistam wut. 24 Chiekal nabichaxaelam wajpaklon Jesúslijaw, japon chiekal xamal mosaxael xot. Jesús xamal chaxduiyaxael Dios chajia jum-aechpox. Cristo diachwujajnakolax nejpaklon, nabistam xot japonlijaw. 25 Pe asew jiw, babijaxan ispi, japi jiw Dios kastikaxaes. Sangata, puexa jiw babijaxan is wut, japi puexa diachwujajnakolax Dios kastikaxaes.

**4** Xamal paklochwam, ¡xamal chiekal pachamde nej-esclavoslijaw! Me-ama Dios nejxasink, ¡ja-amsfulde japijijaw! ¡Xabich nabej tato'le' nej-esclavos xabich nabichlijaw bichaxan! ¡Chiekal nejchaxoelde! Xamalbej nejpaklon athuxotse.



**Pablo to'apox Colosas paklowaxpijiw, japi  
Dios kawuajnalijwa japonlijaw**

2 ¡Xamal Dios kawuajnafulde! ¡Gracias-amsfuldebej Dioslijaw, kawuajnam wut! 3 ¡Xanallijwabebj Dios kawuajande japon xanal natapaelijwa pejme jiw naewuajnalijwan Jesús pejuwajan, majt jiw matabija-elwuajan! Japawuajan naewuajnax xot, amwätjel jiw jebatat asew jiw xan najia. 4 ¡Dios kawuajande, xan jiw naewuajnax wut chiekal naewuajnalijwan, japibeb chiekal matabijalijwa Jesús pejuwajan!

5 Xamal Jesús pejuwajan naexasis-elixotam wut, ¡chiekal duilafulde! Japixot pachaem wut naewuajnalijwam Jesús pejuwajan, ¡naewuajande! 6 Xamal nospaeyam wut, jiw suapich, ¡nospaem pachaempoxan jiw chiekal nejchachaemlialijwa! ¡Matabijimbeb chiekal jumnoslijwam kaenanula japi jiw!

**Pablo saludos xato'apox asew jiwlijaw**

7 Wajkoewan Tíquico, xatis nejxasinkaspon, chiekal nabist wajpaklonlijaw, xan suapich. Tajwuajan japon xalaeyaxael xamal chapaelijaw, pa'a wuton xamalxot. 8 Samata, japon to'axaelen amwut xamal poxade jumchiliajwapon, ma-an xanal, amxotan wut. Ja-aech wut, xamal xabich nejchachaemlaxaelam xanallijaw. 9 Tíquico fulaeyaxael wut xamal poxade, wajkoewan Onésimo, xatis xabich nejxasinkaspon, japonbeb fulaeyaxael xamal poxade. Onésimo majt xamalxoton. Japon chiekal nabistbeb wajpaklonlijaw. Kofs-elpon. Japi xamalxot pa'a wut, xamal chapaeyaxaelon xanlijaw amxot ja-aechpoxan.

10 Aristarco, japon tajnachalan jiw jebatat, saludos xato'a xamallijaw. Marcos, Bernabé pakoewan, japonbeb saludos xato'a xamallijaw. Xamal chajia to'ax, Marcos pat wut xamalxot chiekal bu'kulalijwam. 11 Asan pawul Jesús. Japonbeb saludos xato'a xamallijaw. Japon asawul Justo. Japi tres poejiw, judíos, naexasiti Jesús pejuwajan. Puexa judíosxot, japi koew, xan suapich, nabist Dioslijaw, asew jiw Dios naexasislijaw. Samata, xan xabich nejchachaemlax, japi nakajachawaet xot. 12 Epafra majt xamalxoton, japon nabist Jesucristolijaw. Japonbeb saludos xato'a xamallijaw. Japon xabich Dios kawuajan nej-xanabojaxan kaes mamnikalijaw Dioslijaw. Xabich Dios kawuajanbejpon xamal kajachawaeslijaw islijwam puexa

Dios nejxasinkpoxan. **13** Xan taenx, Epafras xabich nejchaxoel wut xamalliajwa, Laodicea paklowaxpijiwliajwabej, Hierápolis paklowaxpijiwliajwabej. **14** Lucas, japon médico, xatis nejxasinkaspon, japonbej saludos xato'a xamalliajwa. Asan, pawulpon Demas, japonbej saludos xato'a xamalliajwa.

**15** Xan saludos xato'ax naexasiti Jesús pejwujajan, Laodicea paklowaxpijiwliajwa. Saludos xato'axbej japon Ninfaliajwa. Saludos xato'axbej, japi natamejapi Ninfa pejbaxot, naexasiti Jesús pejwujajan. **16** Xamal ampox carta xaljoeyax toetam wut, ¡xato'im Laodicea paklowaxpijiw poxade, japi naexasiti Jesús pejwujajan, japibej xaljoeliajwa ampox carta! Asacarta chajia xato'ax Laodicea paklowaxpijiwliajwa. Japox carta japi xato'axaen xamal poxadin. Carta xamal chaxdut wuti, ¡xamalbej xaljoem japox carta! **17** ¡Arquipo jum-amde chiekal toesliajwa Jesucristo to'aspox japon isliajwa!

**18** Xan Pablo, tajut lelx xamal saludaliajwan. Xamal Dios kawujajnam wut, ¡nabej nejkiowe' xanliajwabej Dios nawekawujajnalijwam, xan jiw jebatataxpoxliajwa! Xanbej Dios kawujajnax xamalliajwa japon xabich kajachawaesliajwa xamal.